

Miz song boux vunz doek raemx, boux ndeu siliz gig ndei, boux ndeu dagaenhyanx. Song boux neix youq najraemx diuz dah gvangqlangh haenx cakdai, yaep ndeu couh mbouj miz rengz lo. Sawqmw, boux siliz ndei de yawjraen baihnaj miz “aen ruz iq” ndeu cingq vad daeuj coh song de. Boux dagaenhyanx hix mumjgyumq yawjraen lo. Yienghneix, song boux de couh yunghrengz youz gvaqbae coh “aen ruz iq”.

Youz yaep ndeu, boux siliz ndei de couh dingz roengzdaeuj, aenvih de yawj ndaej gig cingcuj, aen de mbouj dwg aen ruz iq, dwg donh faexnduk ndeu. Hoeng, boux dagaenhyanx mbouj rox de dwg donh faexnduk, ndigah de lij yunghrengz coh baihnaj youz bae. Mwh de youz daengz henz de seiz, rox de gingqyienz dwg donh faexnduk he, seizde, de hix youz daengz gyawj haenzdah lo. Boux siliz ndei de couh yienghneix mboetdai youq ndaw dah, hoeng, boux dagaenh-yanx dauqfanj mbouj dai.

Miz song boux vunzbingh baenz aizcwng. Boux ndeu rwz ndei, de dingqnyi canghyw gangjvah naeuz de

saojvwz

Vuenyungz Bomz Youq Ndaw Moengjdoengj

幸福藏在糊涂里

□ Hij Yizganh

ngamq gyaau ndaej sam ndwen. Yienghneix, de baenzngoenz mbouj haisim, doeklaeng mbouj daengz sam ndwen couh dai lo. Lingh boux rwz miz di nuk, gaej naeuz laeglemx dingq canghyw gangjvah, couh dwg mwngz doq goekrwz caeuq de gangjvah, de lij dingq mbouj cingcuj geijlai. Siengj mbouj daengz de sad lix gvaq sam ndwen, daengz seizneix gaenq gvaqbae song bi lo, de lij caengz dai.

Youq Meijgoz, miz song aen gunghsw, hung doxdoengz, gyoengqde bouxcingjaiz ndeu heuhguh Lozbwz-dwz, boux ndeu heuhguh Sijdifuh. Lozbwzdwz coengmingz youh rox

suenq, gijmaz saeh cungj beij bouxwnq yawj ndaej gya. Aenvih de caeux couh yawhsuenq daengz youq 2008 nienz Meijgoz miz gimyungz veizgih, ndigah de gietdingh gaijsanq gunghsw, lij ndaej di ngaenz hawj swngeij caeuq vunzgoeng yungh, mbouj yienghneix guh daengz mwhde itdingh yiemqcaiq haujlai. Aenvih de faensik daengz, youq 2008 nienz, Meijgoz miz 30% gunghsw yaek gvendou, aen gunghsw de yienghneix iq, itdingh youq ndaw 30% dauq-ndaw.

Sijdifuh yawj hwnjdaeuj mbouj beij de rox suenq, lij miz di ngawz

dem. De gag nyinhnaeuz, ciengxlwenx yawhsuenq mbouj ndaej ok daengz-cog, couhsuenq mwngz dawz faenh giva ceiq ndei coq youq baihnaj de, de hix mbouj siengsaenq, aenvih daengz-cog lij caengz caencingq daeuj daengz. De nyinhnaeuz aen gunghsw de ngoenz ndeu mbouj gvendou, de couh itdingh cengj roengzbae. Doeklaeng, aen gunghsw de gingqyienz doh gvaq le ciengz seiqgyaiq gimyungz veizgih neix. Doeklaeng, boux vunz rox suenq haenx dawz gunghsw gaijsanq, hoeng, boux vunz mbouj rox suenqgeiq haenx aen gunghsw de beij mwhgonq guh ndaej engq hoengh.

Ndaw seiqvunz haujlai saeh, mbouj rox beij rox ndei, mbouj lingzbienh beij lingzbienh ndei, mbouj coengmingz beij coengmingz ndei. Neix couh dwg vunzraeuz ciengseiz gangj bouxvunz nanz ndaej moengj-doengj. Gizsaed, seiqvunz bonjlai couh dwg moengjdoengj, sojmiz vaiqvued caeuq vuenyungz cungj bomz youq ndaw moengjdoengj, saekseiz cingsingj le, sojmiz vaiqvued caeuq vuenyungz hix couh mbouj raen ngaeuz lo!

Sawcuengh Aeu Haengj Hag Ciengz Yungh

壮文要勤学常用

□ Vangz Yiz/王 溢

Raeuz dwg vunz Bouxcuengh
Cungj muengh gangj vah raeuz
Sam donq ngaiz ringz caeuz
Daeuzseng mou bit gaeq

Vah raeuz miz maqmuengh
Sawcuengh aeu doihengz
Vah raeuz yaek cienzyiengz
Sawcuengh aeu ciengz yungh

Sawcuengh aeu yinz hag
Ajbak gangj vah raeuz
Faex sang byai lij ngaueu
Raeuz gaej lumz goekcoj

Lwglan yungh Sawcuengh
Mizmuengh ndaej baenzcaiz
Sij faenz bouboux gvai
Haengjgyaez raiz(sij) Sawcuengh

Doengzcaeuz yungh Sawcuengh
Beixnuengx rongh danaj
Doengzcaeuz daeuj ganq va
Hai baenz caz baenz cumh

Sawcuengh baenz cumhcaz
Muengh bya bya heunoengq
Dawzmak foengq lienz foengq
Muengh doenghdoengh fwen rwenz



Caj mbauq daeuj doiqfwen.

Ciuq gij yigen Veiz Gozcingh, swcigh daj bi 1970 hwnj, binaengz ciuq gij vwndiz guhhong saedcae lajmbanj daezok haenx, dingh’ok le mbanj gidij cwngcwz. Deng “swix” vanzging yingjangj lajde, caenhguenj mizmbanj cwngcwz gvidingh mbouj dwg haemq caezcienz, hoeng gyonj daeuj gangj, dingz lai lij dwg habhoz gij saedcae Guengjsae raeuz. Neix doiq diuhdoengh vunzguh naz hwnj-heiq guhhong, coicaenh lajmbanj fazcanj ginghci, haemq miz cizgiz cozyung. Beijlumj, ciengx mou ne, cwngcwz gvidingh cawz baen gij dieggaglouz hawj seyen le, lij baen ndaej gij dieg ndaem byaek ciengx mou dem. Doiq baijcawx mouseng, miz vunz cawjcieng yungh cienzbouh cawx liux aen fuengfap neix, caemh miz vunz naeuz yungh “cawx duz louz duz” aen fuengfap neix. Veiz Gozcingh caeuq geij boux fucwz dungzci cungj doengzeiq aen fuengfap daihngeih. Gvidingh guekgya cawx duz ndeu, cawx ciuq gij gyaq cawx gvidingh hawj ngaenz le, lij habdangq hawj di haexliengz bangbouj ranz guengciengx, duz louz roengzdaeuj

haenx, ndaej gaj daeuj gag gwn, caemh ndaej dawz bae gwnzhaw gai. Seizde, gyaqcienz noh gwnzhaw sang gvaq gyaqcienz cawx moundwn, aenvih “cawx duz louz duz” cungj cwngcwz neix gaijgez mauzdun lai ndei, ndigah Guengjsae ciengx mou itcig ngoenz hoengh gvaq ngoenz. Bi 1975, daengx gih ndaw riengh miz mou 1209 fanh duz, mauhgvaq 1965 nienz 475 fanh duz. Youq vunz ndawsingz baengh biuq cawx noh aen nienz daih haenx, gij gvidingh neix doiq coicaenh mouseng fazcanj, baijcawng hawciengz gunghaw noh, miz cozyung gig youqgaenj.

Ngamq laebbaenz Swcigh Gwz-veijvei seiz, haujlai nungzyez gohyoz gisuz yinzyenz aenvih cinghenj gih-

gou deng lizhai nungzyez gangvei bae lo. Anh Bingzswng, boux gaemguenj nungzyez neix cawjcieng naeuz, gij vunz haenx daj yenzcwz baihgwnz cungj yaek aeu gvidoih. Veiz Gozcingh haemq doengzeiq gij yigen haenx. De gangj, gak yienh doenghbaez laeb miz aencamh doigvangq nungzyez gisuz, aencamh ywbingh doihduz, aencamh gai haexceh, aencamh yawhcaek yawhbauq binghnon, aen nungzcangz sanjciengx liengzcungj roxnaeuz nungzyez gohyoz yenzgiusoj daengj gihgou, doiq doigvangq senhcin gisuz, fazcanj nungzyez, yau goj gig ndei. Seizneix yaek dauqungz hengz-guh caeuq caezcienz gij gihgou neix hwnjdaeuj, cungfaen fazveih gij cozyung gisuz yinzyenz. 70 nienz daih

cogeiz, daengx gih mizmbanj swng-hcanjdui gaenq cungbyoengq gij geiq-loeg haexsongmiuz bingzyaenz moux 2000 gaen haex, miuzdog couh sou ndaej 1300 gaen haex, mbanj swng-hcanjdui gaenq rox gamhanh seizcin ganq gyaj mbouj naeuh caeuq rox gamhanh doenghgo mbouj fatseng binghnon. Veiz Gozcingh iugouz, nungzyez gohgi gunghcozcej roengz gij swng-hcanjdui neix bae, caeuq vunz lajmbanj caez guhhong, cungjgez gij gingniemh senhcin gyoengqde, youq gwnz mienh lai doigvangq. Gyoengq nungzyez gohgi yinzyenz youq lajmbanj daih yienj bonjsaeh, doiq Guengjsae fazcanj nungzyez guh ok cingczik gig daih.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz